АЖРИМ

(Даъво аризани кўрмасдан қолдириш тўғрисида)

Гулистон шахри

2024 йил 4 март

иктисодий суди Гулистон туманлараро судьяси Б.Махмудовнинг раислигида, судья ёрдамчиси Ж.Эгамова суд мажлиси котиблигида, кенгаш вакили А.А.Абдужалилов (2024 йил 3 январдаги 01/5-сонли ишончнома асосида), даъвогар вакили – Н.М.Маматкулов (2024 йил 4 мартдаги 01-сонли асосида), жавобгар вакили 3.3.Махмудов(рахбар), жавобгар вакиллари Р.Э.Жоникулов, Р.Ф.Каршиев (2024 йил 4 мартдаги 28,29сонли ишончнома асосида) иштирокида, Сирдарё вилояти фермер, дехкон хўжаликлари ва томорка ер эгалари кенгашининг даъвогар "Sardorbek Samandar Orzusi" фермер хўжалиги манфаатида жавобгар "Yangiyer-Mobayl-Baraka" масъулияти чекланган жамиятига нисбатан "20240120"-сонли савдо баённомаси асосидаги 6668042-сонли олди-сотди шартномасини хакикий эмас деб топиш тўгрисидаги даъво аризаси бўйича қўзғатилган иқтисодий ишни ўз биносида, очик суд мажлисида кўриб чикиб, куйидагиларни

АНИКЛАДИ:

Сирдарё вилояти фермер, дехкон хўжаликлари ва томорка ер эгалари кенгаши (кейинги ўринларда —кенгаш) "Sardorbek Samandar Orzusi" фермер хўжалиги (кейинги ўринларда — даъвогар ва/ёки фермер хўжалиги) манфаатида судга "Yangiyer-Mobayl-Baraka" масъулияти чекланган жамияти (кейинги ўринларда — жавобгар)га даъво ариза билан мурожаат қилиб, даъво аризасида Брокерлик идораси жавобгар томонидан топширик шартномаси асосида фаолият юритувчи трайдери Махмудов Зохиджон Зоир ўгли томонидан 2024 йил 20 январь куни соат 12.54.35да фермер хўжалиги номидан "товар-пахта хом ашёсини сотиш ваколати бўйича савдода иштирок этиб, товарни сотиб олувчи брокерлик идораси "Сўнмас чорва" масъулияти чекланган жамиятининг топширик шартномаси асосида фаолият юритувчи трайдери Абдусатторов Музаффар ўғли иштирокида "ZAMON-TEKS CLUSTER" Абдурахмон масъулияти чекланган жамиятига 64 тонна 650 кг пахта хом ашёсини хар бир килограмми учун 7 810,52 сўмдан жами 504 950 100,00 сўмга сотиш тўгрисидаги "20240120"-сонли савдо баённомаси асосидаги 6668042-сонли олди-сотди шартномасини хакикий эмас деб топишни сўраган.

Суднинг 2024 йил 23 февралдаги ажрими билан "ZAMON-TEKS CLUSTER" масъулияти чекланган жамияти иккинчи жавобгар сифатида ва "SONMAS CHORVA" масъулияти чекланган жамиятини низонинг предметига нисбатан мустақил талаблар билан арз қилмайдиган учинчи шахс сифатида ишда иштирок этишга жалб қилинган.

Суд мажлисида иштирок этган кенгаш ва даъвогар вакили даъво аризада келтирилган важларни такрорлаб, даъво аризани қаноатлантириб беришни сўрашди.

Суд мажлисида иштирок этган жавобгар вакили даъво аризага эътироз билдириб, даъвогар томонидан пахта хом ашёсининг бошланғич нархини

7 800 000 сўмдан сотилишига розилик бериш ҳақида аризасига асосан сотилганлигини маълум қилди.

Суд мажлисида иштирок этган иккинчи жавобгар вакиллари даъво ариза бўйича фермер хўжалиги ва "ZAMON-TEKS CLUSTER" масъулияти чекланган жамияти ўртасида брокерлик идораларининг топширик шартномаси билан "20240120"-сонли савдо баённомаси асосидаги 6668042-сонли олди-сотди шартномасининг 6.1-бандида низолар аввало биржанинг комиссиясида кўриб чиқилиши белгиланганлиги, шунингдек, даъво аризанинг асосий мазмунига кўра низо топширик шартномасидан юзага келганлиги, топширик шартноманинг 4.4-бандида хам барча келишмовчиликлар дастлаб "Ўз РТХБ" Хайъат комиссияси томонидан кўриб ΑЖ белгиланганлиги сабабли ушбу низони дастлаб(низони судгача хал килишталабнома тартибига риоя қилиш) Арбитраж комиссияси ва/ёки Ўз РТХБ" АЖ Хайъат комиссияси куриб чикилишини инобатга олиб, низони арбитраж ёки "Уз РТХБ" АЖ Хайъат комиссиясининг хал килувига ўтказиш лозимлигидан, даъвогар низони судгача хал килиш (талабнома юбориш) тартибига риоя этмаганлиги, яъни талабнома тартиби топширик шартномаси ва олди-сотди шартномасида назарда тутилганлигидан келиб чикиб, даъво аризани курмасдан қолдиришни сўрашди.

"SONMAS CHORVA" масъулияти чекланган жамияти вакиллари суд мажлисида иштирок этмади.

Ўзбекистон Республикасининг Иқтисодий процессуал кодекси (кейинги ўринларда — ИПК) 170-моддаси учинчи қисмига асосан иш мухокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо уларнинг йўқлигида ҳал қилиниши мумкин.

Шу сабабли суд ишни "SONMAS CHORVA" масъулияти чекланган жамияти вакил (лар)и иштирокисиз ишдаги мавжуд хужжатлар асосида кўриб чикишни лозим топади.

Суд, ишда иштирок этувчи шахслар вакилларининг тушунтиришларини тинглаб, ишдаги мавжуд ва суд муҳокамаси жараёнида такдим этилган ҳужжатларини ўрганиб чиқиб, қуйидаги асосларга кўра кенгашнинг даъвогар манфаатида киритилган даъво аризасини кўрмасдан қолдиришни лозим топади.

ИПК 13-моддасининг биринчи қисмига асосан суд ишларни Ўзбекистон Республикаси Конституцияси ва қонунлари, бошқа қонунчилик ҳужжатлари, шунингдек Ўзбекистон Республикасининг халқаро шартномалари асосида ҳал қилади.

Иш хужжатлари ва ишда иштирок этувчи шахслар вакилларининг тушунтиришларидан аникланишича, мазкур низо Брокерлик идораси жавобгар томонидан топширик шартномаси асосида фаолият юритувчи трайдери Махмудов Зохиджон Зоир ўғли томонидан 2024 йил 20 январь куни соат 12.54.35да фермер хўжалиги номидан "товар-пахта хом ашёсини сотиш ваколати бўйича савдода иштирок этиб, товарни сотиб олувчи брокерлик идораси "Сўнмас чорва" масъулияти чекланган жамиятининг топширик шартномаси асосида фаолият юритувчи трайдери Абдусатторов Абдурахмон Музаффар ўғли иштирокида "ZAMON-TEKS CLUSTER" масъулияти чекланган жамиятига 64 тонна 650 кг пахта хом ашёсини ҳар бир килограмми учун

7 810,52 сўмдан жами 504 950 100,00 сўмга сотиш тўғрисидаги "20240120"-сонли савдо баённомаси асосидаги 6668042-сонли олди-сотди шартномасидан келиб чиккан.

Олди-сотди шартномасининг 6.1-бандида биржа битими бажарилмаслиги ёки тегишли даражада бажарилмаслиги билан боғлиқ низолар биржанинг Арбитраж комиссияси ёки суд томонидан ҳал қилиниши белгиланган.

Бирок, кенгаш ва/ёки даъвогар томонидан биржанинг Арбитраж комиссиясига олди сотди шартномаси бажарилмаслиги ёки тегишли даражада бажарилмаслиги билан боғлик низо юзасидан мурожаат қилинганлиги, масалалар биржанинг Арбитраж комиссияси томонидан кўриб чикилганлиги ҳакидаги далиллар (ҳужжатлар) илова килинмаган.

Ўзбекистон Республикаси Олий суди Пленумининг 2019 йил 24 майдаги инстанция суди томонидан иктисодий процессуал нормаларини қўллашнинг айрим масалалари тўгрисида" ги 13-сон қарори 3бандига биринчи, иккинчи ва учинчи хатбошига кўра, ИПК 148-моддасининг биринчи кисмига мувофик суд манфаатдор шахсларнинг, прокурорнинг, конун бўйича давлат ва жамият манфаатларини химоя қилиш мақсадида судга мурожаат қилиш хуқуқига эга бўлган холларда шу давлат органлари ва бошқа органларнинг аризалари бўйича иш қўзғатади. Ушбу модданинг иккинчи кисмига кўра, агар конунда муайян тоифадаги низолар учун судгача хал килиш (талабнома юбориш) тартиби белгиланган ёхуд бу тартиб шартномада назарда тутилган бўлса, факат тарафлар ўзаро муносабатларини ихтиёрий равишда хал қилиш чораларини кўрганларидан кейингина судда иш қўзғатилиши мумкин. Бундай тартиб, хусусан Ўзбекистон Республикасининг Фукаролик кодекси Солиқ кодекси, Хаво кодекси, "Темир йўл транспорти тўгрисида"ги Ўзбекистон Республикаси Конунида белгилаб қўйилган. Низоларни судгача хал этиш (талабнома юбориш) тартиби даъвогар учун факат конун ва шартномада белгиланган ҳолларда мажбурий эканлигини назарда тутиш лозим. судлар инобатга олишлари керакки, конуности хужжатларида низоларни судгача хал этиш (талабнома юбориш) тартиби белгиланган холларда унга риоя қилиш тарафлар учун мажбурий хисобланиши хақида тушунтириш берилган.

ИПК 107-моддасининг 5-бандига кўра, агар даъвогар низони судгача ҳал ҳилиш (талабнома юбориш) тартибига риоя этмаган бўлса, башарти бу шу тоифадаги низолар учун қонунда ёки тарафлар шартномасида назарда тутилган бўлса, суд даъво аризасини кўрмасдан қолдиради.

Қайд этилганларга асосан суд, даъвогар низони судгача ҳал ҳилиш тартибига риоя этмаган деб ҳисоблаб, даъвогарнинг даъво аризасини кўрмасдан ҳолдиришни лозим топади.

ИПК 118-моддасининг биринчи қисмига асосан суд харажатлари ишда иштирок этувчи шахсларнинг қаноатлантирилган даъво талаблари микдорига мутаносиб равишда уларнинг зиммасига юклатилади.

Ўзбекистон Республикаси Президентининг 2017 йил 10 октябрдаги "Фермер, деҳқон хужаликлари ва томорқа ер эгалари фаолиятини янада ривожлантириш буйича ташкилий чора-тадбирлар туррисида"ги ПҚ-3318-сон Қарори 3-бандига мувофик, фермер, деҳқон хужаликлари ва томорқа ер эгалари манфаатларини кузлаб судга давлат божи туламасдан даъво аризалари, давлат ва хужалик бошқаруви органлари, маҳаллий давлат ҳокимияти органларининг

қарорлари, уларнинг мансабдор шахслари хатти-ҳаракатлари (ҳаракатсизлиги) устидан шикоятлар тақдим этиш. Бунда даъво аризасини қаноатлантириш рад этилганда манфаати кўзлаб даъво аризаси киритилган фермер, деҳқон ҳўжаликлари ва томорқа ер эгаларидан давлат божи ундирилмаслиги белгиланганлиги сабабли, давлат божини ундирувсиз қолдиришни, 34 000 сўм почта харажатини фермер ҳўжалиги томонидан олдиндан тўланганлигини инобатга олиб, унинг зиммасида қолдиришни лозим топади.

Юқоридагиларга асосан ҳамда Ўзбекистон Республикаси Иқтисодий процессуал кодексининг 107-109, 118, 195-моддаларини қўллаб, суд

АЖРИМ КИЛДИ:

Сирдарё вилояти фермер, деҳқон ҳужаликлари ва томорқа ер эгалари кенгашининг даъвогар "Sardorbek Samandar Orzusi" фермер ҳужалиги манфаатида киритилган даъво аризаси қурмасдан қолдирилсин.

Олдиндан тўланган 34 000 сўм почта харажатлари даъвогар "Sardorbek Samandar Orzusi" фермер хўжалиги зиммасида қолдирилсин.

Давлат божи ундирувсиз қолдирилсин.

Даъво аризани кўрмасдан қолдириш учун асос бўлиб хизмат қилган ҳолатлар бартараф этилганидан кейин даъвогар судга даъво ариза билан умумий тартибда янгидан мурожаат қилишга ҳақли.

Даъво аризани кўрмасдан қолдириш тўғрисидаги ажрим устидан шикоят қилиниши (протест келтирилиши) мумкин.

Раислик қилувчи

Б.Махмудов

